

INUIT ATAQATIGIIT INATSISARTUNI



18. August 2021

Inatsisartut Suleriaasianni § 37 naapertorlugu Naalakkersuisunut apeqquq
imaattoq matumuuna saqqummiuppara.

Naalakkersuisunut apeqquq:

1. 2019-mi ukiakkut ataatsimiinnermi imm. 128 & 134

**Naalakkersuisunut suliakkiutigineqarlutik akuersissutigineqartut
Naalakkersuisunit ingerlateqqinniarnaqarpat?**

2. Cannabisimik nioqqutissiat THC-mik annerpaamik 0,2

**procentimik akullit, cannabisolia ilanngullugu, nunatsinni
inerteqqutaajunnaarsinneqarnissaat Naalakkersuisunit
naatsorsuutigineqarpa?**

3. Danmarkimi misileraanertut ittumik, tassalu nakorsat immikkut

**akuersissummik piniaqqaaratik cannabisimik nakorsaaitut
akuerisaanngitsumik nakorsaasiinnaatillugit
misileraasoqarnissaa qaqugu piviusunngortinneqarsinnaassasoq
Naalakkersuisunit naatsorsuutigineqarpa?**

4. Tassunga tunggasumik allamik Naalakkersuisut ilisimasaqarpat?

(Inatsisartunut Ilaasortaq Mariia Simonsen, Inuit Ataqatigiit)

Tunggavilersuut:

Ukiakkut Ataatsimiinnerni 2019-imi immikkoortut 128 "Annerpaamik 0,2
procentimik THC-mik akullit cannabisimik nioqqutissiat (tassani cannabisolia
aamma eqqarsaatigalugu) inerteqqutaajunnaarsinnissaannik Naalakkersuisut
suliniuteqaqqullugit Inatsisartut aalajangiiffigisassaattut siunnersuut"

& 134 "Danskit misileraanerattut ittumik nakorsat ataasiakkaat immikkut
akuersissummik piniaqqaaratik nakorsaaitut akuerisaanngitsumik

INUIT ATAQATIGIIT INATSIARTUNI



cannabisimik nakorsaasiillutik nakorsaanissamik periarfissaqarlersillugit misileraanermik aallartitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut” akuersissutigineqarput.

Novembarip 27-anni 2019 Inatsisartut Peqqissutsimut Naalakkersuisoqarfimmit ilisimatinneqarput ”danskik cannabisimik nakorsaasiillutik misileraanerannut Kalaallit Nunaata ilaatinneqarsinnaaneranik misissuineq” Ukiakkut Ataatsimiinnermi 2020-mi agguanneqassasoq.

Taamaattorli COVID-19 aamma Peqqissutsimut Naalakkersuisoqarfimmi atorfiit inuttaqannginnerat pissutigalugu Naalakkersuisut ilisimatitsissutigaat pineqartoq 2021-mi Ukiukkut Ataatsimiinnissamut aatsaat agguanneqarsinnaasoq.

Naluneqanngitsutut Ukiukkut Ataatsimiinneq 2021 pinngitsoorpoq qinersisoqartussaana pissutigalugu.

Paasisakka naapertorlugit aalajangiinerit ulloq manna tikillugu suli timitalerneqarsimanngimmata paaserusuppara suliassat pineqartut sumut killissimanersut misissuinerlu eqqartorneqartoq qaqugu Inatsisartunut ilisimatitsissutitut nassiunneqassamaarnersoq.

Apeqqutima ullut suliffiusut qulit iluanni akineqarnissaat kissaatigaara.